

「國家社會科學基金重大項目」

何建明

主編

中國地方志
佛道教文獻匯纂

人物卷

(58)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷

（58）



國家圖書館出版社

中國地方志佛道教文獻匯纂·人物卷
福建省

福建新通志

李厚基等修 沈瑜慶 陳衍纂
民國十一年（一九二二）刻本

福建高僧傳卷一

唐

佛教入中國四百年而達磨至六傳至南能其教彌昌後分爲南岳懷讓青原行思思傳石頭希遷又數傳至洞山良价价傳曹山本寂是爲曹洞宗讓傳馬祖道一一傳百丈懷海傳黃蘗希運潞山靈祐祐傳仰山慧寂是爲潞仰宗運傳臨濟義玄其法最盛是爲臨濟宗石頭之嗣又有天皇道悟者傳龍潭崇信信傳德山宣鑒鑒傳雪峰義存存傳雲門文偃是爲雲門宗又傳玄沙師備備傳羅漢桂琛琛傳法眼文益是爲法眼宗總曰五宗而百丈長樂人著爲清規始有住持之名尊之曰長老黃蘗福清人潞山長溪人雪峯南安人玄沙福州人曹山莆田人是福建唐代高僧天下莫盛焉而五代及宋由此其選方興未艾也惟釋氏本無方之民其有雖非福建人而出家悟道開山住持以至傳戒示寂於福建各地者一體立傳不復如儒家之分流寓名宦各類矣

前延壽傳

道一馬氏子什邡人

一作漢州人

容貌奇異牛行虎視引舌過鼻足下有二輪

文幼依資州唐和尚落髮

一作受戒於渝州圓律師

開元中習禪定於衡岳傳法院懷

讓禪師謂曰磨磚不能作鏡坐禪豈能成佛時同參者九人惟道一密受

心印

一作登建昌石門山有洞壑之幽謂其徒曰吾當棲此遂沐浴跣趺而逝諡大寂禪師

至建陽佛跡嶺創寺居

焉苦雀鼠蚊蟻之擾作法禁之遂絕

八閩通志雍正通志

如一不知何許人開元末爲僧福州鐘山典牀座俄有僧偏身瘡疥衣服

縷繞巡繞寺中僧眾覩之無不厭惡如一見而憫焉延入常住別堂安置

度夏末辭去問去何所答曰歸庵中又問庵何在曰只在大乘寺東如一

曰某日前自彼處來未見有庵曰但來相訪如一遂往果見前僧在巖口

相候因攜手入精舍樓閣森聳殿堂交錯且非人閒景物三日遣如一下

山迴首見悉是巖石如一由是倍力修進願預聖流云

宋高僧傳

懷海長樂人姓王氏洪州百丈山僧卅歲離塵三學該練屬馬祖闡化江

西傾心依附與西堂智藏南泉普願同號入室海侍馬祖言下有悟被祖

振威一喝直得三日耳聾自此雷音將震檀信請於洪州新吳界住大雄山以居處巖巒峻極故號百丈處末期月參玄之賓四方麇至瀉山紅檠實當其首海曰吾行大乘法豈宜以諸部阿笈摩教爲隨行邪或曰瑜伽論瓔珞經是大乘戒律胡不依隨乎海曰吾於大小乘中博約折中設規務歸於善焉乃創意不循律制別立禪居初自達摩傳法至六祖已來得道眼者號長老同西域道高臘長者呼須菩提然多居律寺中唯別院異耳又令不論高下盡入僧堂堂中設長連牀施梳架挂搭道具卽必斜枕牀臂謂之帶刀睡爲其坐禪既久略偃亞而已朝參夕聚飲食隨宜示節儉也行習請法示上下均力也不立佛殿唯樹法堂表法其諸制度與毗尼師一倍相翻天下禪宗如風偃草禪門獨行由海始每上堂有一老人隨眾聽法一日眾退惟老人不去海問何人老人曰某非人也於過去迦葉佛時曾住此山因學人問大修行人還落因果也無某對云不落因果遂五百生墮野狐身今請和尚代一轉語貴脫野狐身海曰汝問老人曰

前代高僧傳

大修行人還落因果也無海曰不昧因果老人言下大悟作禮曰某已脫野狐身住在山後敢乞依亡僧津送海令維那白椎告眾食後送亡僧大眾聚議一眾皆安涅槃堂又無病人何故如是食後海領眾至山後巖下一杖挑出一死野狐迺依法火葬之海凡作務執勞必先於眾王者不忍密收作臭而請息之海曰吾無德爭合勞於人既徧求作臭不獲而亦仁儉故有一日不作一日不食之語流播寰宇矣元和九年正月歸寂享年九十五穆宗長慶元年敕諡大智禪師塔曰大寶勝輪宋高僧傳闕書

晉光福州人得青原行思之傳闕書

慧海號大珠建州人住越州初參馬祖於言下自識本心不繇智覺踊躍禮謝晦迹藏用外示癡訥自撰頓悟入道要門論一卷闕書

水塘和尚汀州人馬祖法嗣也闕書

隱峯邵武人住五臺山初遊馬祖之門未能覩與復來往石頭後於言下相契冬居衡嶽夏止清涼元和中薦登五臺路出淮西屬吳元濟阻兵遲

拒王命官軍與賊軍交鋒未決勝負峯曰吾當去解其患乃擲錫空中飛身而過兩軍將士仰觀事符預夢鬪心頓息峯卽顯神異慮成感竄遂入五臺於金剛窟前將示滅先問眾曰諸方遷化坐去卧去吾嘗見之還有立化也無曰有峯曰還有倒立者否曰未嘗見有峯乃倒立而化亭亭然其衣順體時眾議昇就茶毗屹然不動遠近瞻覩驚歎無已峯有妹爲尼時亦在彼乃拊而咄曰老兄疇昔不循法律死更熒惑於人於是以手推之儼然而跽遂就闍維收舍利建塔闕書

懷暉姓謝氏泉州人貞元初禮洪州大寂禪師頓明心要時彭城劉濟頌德暉互相推証後潛岨嶽山次寓齊州靈巖寺又移卜百家巖泉石幽奇苦禪子請問繁雜上中條山行禪法爲法者躡跡而往蒲津人皆化之元和三年憲宗詔入於章敬寺毗盧遮那院安置大曆中敕應天下名僧大德三學通瞻耆童叢萃其中屬誕辰多於此修齋度僧焉暉旣居上院爲人說禪要朝立日來叅問復詔入麟德殿賜齋推居上座元和十年乙未

南唐書

三

冬元疾十二月十一日滅度春秋六十二明年二月門人智朗志操等奉全身葬于瀾橋北原敕謚大宣教禪師立碑于寺門嶽陽司倉賈島爲文

述德焉

宋高僧傳

靈澈會稽湯氏字澄源與吳興詩僧皎然遊然薦之包吉李紆以是名由二人而颺貞元中遊京師緇流嫉之造飛語激動中貴人侵誣得罪徙汀州後歸會稽元和十一年終于宣州

全唐詩話

無了姓沈莆田人長慶中得法於江西馬祖行經龜山觀六眸巨龜自澗泉浮出足躡小龜四回首面無了如作禮狀者三因名其地曰龜洋結茅居焉咸通八年年八十一示寂後塔患水門人發之已二十年身浮水中不壞闔王昇府供養忽臭氣遠聞王曰可還舊山言訖異香曾熏乃封真寂大師志忠者陳氏子幼出家從無了受法苦行一如之賜號廣濟

雍正通志

道光通志

正幹本姓吳莆田人得法於六祖辭歸至福州黃蘗山曰吾受記於師逢

苦即住其是在是乎遂卽山建寺爲黃蘗初祖

闍書道光通志

靈祐長谿趙氏子潭州瀉山僧也年十五出家究大小乘教二十三遊江西參百丈一見許之入室遂居參學之首侍立次丈問誰靈祐曰某甲丈曰汝撥鑪中有火否祐撥之曰無丈躬起深撥得少火舉以示之曰汝道無這個懣祐由是發悟禮謝陳其所解丈曰此乃暫時歧路耳經云欲識佛性義當觀時節因緣時節既至如迷忽悟如忘忽憶万省已物不從他得故祖師云悟了同未悟無心亦無法祇是無慮妄凡聖等心本來心法元自備足汝今旣爾善自護持次日同百丈入山作務丈曰將得火來麼祐曰將得來丈曰在甚處祐乃拈一枝柴吹兩吹度與百丈丈曰如蟲禦木司馬頭陀自湖南來謂丈曰頃在湖南尋得一山名大瀉是一千五百人善知識所居之處丈曰老僧住得否陀曰非和尚所居丈曰何也陀曰和尚是骨人彼是肉山設居徒不盈千丈曰吾輩中莫有人住得否陀曰待歷觀之時華林覺爲第一座丈令侍者請至問曰此人如何陀請警菴

前卷清修傳

一聲行數步陀曰不可丈又令喚祐時爲典座陀一見乃曰此正是瀉山王人也丈是夜召祐入室囑曰吾化緣在此瀉山勝境汝當居之嗣續吾宗廣度後學時華林聞之曰某甲忝居上首典座何得住持丈曰若能對衆下得一語出格當與住持卽指淨瓶問曰不得喚作淨瓶汝喚作甚麼林曰不可喚作木楔也丈乃問祐祐踢倒淨瓶便出去丈笑曰第一座輪却山子也祐遂往焉是山峭絕無人煙猿獠爲伍橡栗充食經於七載絕無來者祐自念言我本住持爲利益於人既絕往還自善何濟卽捨庵而欲他往行至山口見虵虎狼豹交橫在路祐曰汝等諸獸不用攔吾行路吾果於此山有緣汝等各自散去如無緣卽任汝等所爲言訖皆散去祐乃回庵未及一載嬾安上座同數僧從百丈來輔佐於祐安曰某與和尚作典座待僧及五百人不論時節卽不造粥便放某甲下自後山下居民稍稍知之率衆共營梵宇連帥李景讓奏號同慶寺相國裴公休嘗咨立奧繇是天下禪學輻輳焉上堂夫道人之心質直無僞無背無面無

詐妄心一切時中視聽尋常更無委曲亦不閉眼塞耳但情不附物卽得從上諸聖祇說濁邊過患若無如許多惡覺情見想習之事譬如秋水澄渟清淨無爲澹泞無礙喚他作道人亦名無事人時有僧問頓悟之人更有修否祐曰若眞悟得本他自知時修與不修是兩頭語如今初心雖從緣得一念頓悟自理猶有無始曠劫習氣未能頓淨須教渠淨除現業流識卽是修也不可別有法教渠修行趣向從聞入理聞理深妙心自圓明不覺就地縱有百千妙義抑揚當時此乃得坐披衣自解作活計始得以要言之則實際理地不受一塵萬行門中不捨一法若也單刀直入則凡聖情盡體露眞實理事不二卽如如佛祐問仰山涅槃經四十卷多少是佛說多少是魔說仰曰總是魔說祐曰已後無人奈子何仰曰慧寂卽一期之事行履在甚麼處祐曰祇貴子眼正不說子行履祐睡次仰山問訊祐便回面向壁仰曰和尚何得如此祐起曰我適來得一夢你試爲我原看仰取一盆水與祐洗面少頃香嚴亦來問訊祐曰我適來得一夢寂子

前漢書卷

爲我原了汝更與我原看嚴乃點一碗茶來祐曰二子見解過於鶯子祐敷揚宗教凡四十餘年達者不可勝數大中七年正月九日盥漱敷坐怡然而寂晉八十三臘六十四塔於本山謚大圓禪師塔曰清淨

按福州長慶大安禪師號懶安初參百丈問學人欲求識佛何者卽是丈曰大似騎牛覓牛安曰識得後如何丈曰如人騎牛至家安曰未審始終如何保任丈曰如牧牛人執杖視之不令犯人苗稼安自茲領旨更不馳求同參祐禪師創居瀉山安躬耕助道三十餘年及祐歸寂衆請接踵住持瀉山嘗問安汝十二時中當何所務安曰牧牛山曰汝作麼生牧安曰一回入草去暮鼻拽將回山日子眞牧牛也 仰山慧寂禪師初謁耽源已悟元旨後參瀉山遂升堂奧前後執侍十五載嘗臥次夢入彌勒內院衆堂中諸位皆足惟第二位空仰遂就座有一尊者白槌曰今當第二座說法仰起白槌曰摩訶衍法離四句絕百非諦聽諦聽衆皆散去及覺舉似瀉瀉日子已入聖位仰便禮拜又一曰有梵

僧從空而至仰曰近離甚處曰西天仰曰幾時離彼曰今蚤仰曰何太遲生曰遊山玩水仰曰神通遊戲則不無闍黎佛法須還老僧始得曰特來東土禮文殊卻遇小釋迦遂出梵書貝多葉與仰作禮乘空而去自此號小釋迦後任東平稱渴仰宗 香嚴和尚在百丈會裏性識聰敏參禪不得百丈遷化後到瀉山山間我聞汝在百丈先師處問一荅十問十荅百此是汝聰明靈利意解識想生死根本父母未生時試爲我道一句看香嚴被瀉山一問直得茫然歸寮將平日看過底文字從頭要尋一句可將酬對竟不能得乃自歎曰畫餅不可充饑屢上堂頭乞瀉山說破山云我若說似汝汝已後罵我去我說底是我底終不干汝事香嚴遂將平昔所集文字以火焚卻曰此生不學佛法也且作個長行粥飯僧免役心神乃泣辭瀉山直過南陽觀忠國師遺跡遂憇止卓庵一日芟除草木因瓦礫擊竹作聲忽然省悟遽歸沐浴焚香造禮瀉山贊云和尚大悲恩逾父母當時若爲我說破何有今日之事乃有

祖師傳

一頌曰一擊忘所知更不假修持動容揚古路不墮悄然機處處無蹤
跡聲色外威儀諸方達道者咸言上上機瀉山聞得曰此子澈也仰山
侍立次云此是心機意識著述得成待慧寂親目勘過仰山後見香嚴
曰和尚贊歎師云發明大事你試說看嚴乃舉前頌仰山此是夙習記
持而成若有正悟發明別更說看嚴又成頌云去年貧未是貧今年貧
始是貧去年貧猶有卓錫之地今年貧錫也無仰云如來禪許師兄會
祖師禪未夢見在嚴復有一頌云我有一機瞬目視伊若人不會別喚
沙彌仰山乃報瀉山云且喜香嚴師兄會祖師禪也

楚寶外編

李頭陀福州人幼從百丈禪師住洪州後還葬母於沙堤間前廬墓三年
題詩石上曰守墳三載念生緣種樹爲陰出世恩劃石寄言相付囑一重
孫付一重孫題畢石自開頭陀遂端坐於中與石復合

閱書

大智長樂人任百丈山初事龍泉禪師一日師令浣巾於井見青黃二龍
戲井中玩之歸遲其師詰之遂以鉢探二龍獻師師奇之令削髮遊方臨

行囑之曰逢馬則參遇丈則止果至百丈山參馬祖遂得道於其山後復歸龍泉立道場製叢林規傳于世

閩書

神暄俗姓留建陽人幼沈靜非問不言客遊婺女入開元寺出家無何本郡太守入寺訪其師見神暄神彩朗練太守善相人也顧之數四且曰是子真出塵之器異日承受深法千眾圍繞必超上果非凡人也乃誦七佛俱胝神咒昏曉不絕納戒畢於金華山北洞百家巖有石穴暄居中止息不構庵室作露地頭陀復無牀榻然有神人吐紫色雲氣而高覆之遐望冉冉猶獨柱觀焉其神人時來問道拱手曰暄曰赤松洞之東峰有林泉卓異師可居之否暄隨請往住數年多徵瑞貞元二年遇志賢禪師問暄如此持誦魔事必生欲滅魔怨須識身本身本既真無魔無佛豁然開悟理事俱成神咒功倍元和八年中丞范敷遣使賁乳香氈罽器皿施暄並迴施現前大眾次中書舍人王仲請於大雲寺爲眾受菩薩戒十二載平昌尚書孟簡自會稽甄請不起八月迴舊山示滅春秋七十六弟子建塔

前通志作傳

七

焉一云暄在。金華山北多寒少陽。神人問曰。師須何物。曰。吾在山之陰。苦于凜冽。神曰。小事耳。至夜聞暄闐之聲。明旦見一小峰移矣。宋高僧傳

壽稱哀公。一云哀姓。建州人家貧業農。事母至孝。蓬跣耐寒暑。夜豎圓木三尺許危坐達旦。與同侶芸田。烈日中常有陰雲覆之。初學道。邑之黃洋巖貞元中改築銅鉢山。巨石大木皆獨力運之。舉重如輕。施水療疾。或與之米四五石。亦頂戴以去。涉險如飛。言休咎輒驗。施水療疾無不愈者。示寂以火煙燄。亘天而震。鈴誦經之聲不絕。火息遺蛻儼然。得堅固子數合。

雍正通志

法通貞元中居壺山虎邱巖。嘗下山遇兩虎爭一牛。通隔而分之。黃御史

滔壺山詩云。井通鱗吐脈。僧隔虎棲禪。道光通志

行標本姓方泉州人。九歲投玉澗寺。神岐出家。長而辭師北遊。抵京詣章教大師。法會章教奇之。令首其眾。尋推入道場。憲宗善之。元和十一年復

歸玉澗。黃滔稱為釋子之高傑者。黃御史集道光通志